

粵詩蒐逸



逸 蒐 詩 粵

撰 高 子 黃

王雲五主編

叢書集成初編

粵詩蒐逸

中華民國二十五年十二月初版

撰者 黃子高

發行人 王雲五
上海河南路

印刷所 商務印書館
上海河南路

發行所 商務印書館
上海及各埠

翁

昔之選粵詩。有嶺南文獻。續嶺南文獻。廣東文選。然三書不皆專於詩也。專於詩者。嶺南五朝詩選。廣東詩粹。廣東詩海。大抵以廣收並蓄。表揚前哲爲主。顧每觀各選。俱首曲江。一似曲江以前無詩者。又有明諸君口談唐律。遇宋元人作。輒行刊落。以故兩代篇什。流傳日尠。余竊不自量度。迺發家中所有。聚而錄之。不足則借人閱市。積有歲月。得若干家。雖屬單詞。亦必甄錄。至如文獻。清獻。武溪。文溪。邵先輩。陳嵩伯。歐上舍。趙王孫。各有傳編。均在所闕。溯自建始之年。迄於有元之世。都成一編。釐爲四卷。疎脫遺亡。誠所不免。考訂補輯。是所望於後之人。道光十九年五月十一日。石谿病夫自序。

粵詩蒐逸

本館據嶺南遺書
本排印初編各叢
書僅有此本

粵詩蒐逸卷一

陳

清 番禺黃子高叔立撰

劉

刪字正簡南海人少篤學有志操州郡舉爲諸議侯景之亂侯官令徐伯陽浮海至廣州見所爲史與記室張正見輩爲文翰之友王深禮遇之後卒於官

泛宮亭湖

迴艫乘派水。舉帆逐分風。滉漾疑無際。飄颻似度空。檣烏排鳥道。船影沒河宮。孤石滄波裏。匡山苦霧中。寄謝千金子。安知萬里蓬。

侯司空宅詠妓

石家金谷妓。粧罷出蘭閨。看花只欲笑。聞瑟不勝啼。山邊歌落日。池上舞前溪。將人當桃李。何處不成蹊。賦得蘇武

賦松上輕蘿

奉使窮沙漠。收淚上河梁。食雪天山近。思歸海路長。繫書秋待雁。握節暮看羊。因思李都尉。還漢不相忘。葉繞千年蓋。條依百尺枝。屬與松風動。時將薜影垂。學帶非難結。爲衣或易披。山阿若近遠。獨有楚人知。

詠青草

雨淋三春葉。風傳十步香。暝袍憐色重。臨書喜帶長。

賦得馬

獨飲臨寒窟。離羣思北風。陳王欲觀舞。御史自隨驄。邊聲隕客淚。果下益桃紅。恆持沛艾影。解向平陵東。

詠蟬

聲流上林苑。影入守臣冠。得飲元天露。何辭高柳寒。

采藥遊名山

名山本鬱盤。道士貴黃冠。獨馭千年鶴。來尋五色丸。石牀新溜乳。金竈欲成丹。定知無二價。非復在長安。

獨鶴凌雲去

孤鳴思滄海。矯翮避虞機。怨別悽琴曲。凌風散舞衣。五里雖迴顧。千年會欲歸。寄語雷門鼓。無復一雙飛。

以上俱藝文類聚

唐

張

偁九齡族孫天寶至德間人

辭房相公

秋風颯颯雨霏霏。愁殺栖遑一布衣。辭君且作隨陽客。海內無家何處歸。

欽定全唐詩

廖有方

南海人貢士柳宗元嘗稱之

葬寶雞行路士人

嗟君沒世委空囊。幾度勞心翰墨場。半面爲君申一慟。不知何處是家鄉。唐人厲首絕句

劉軻

字希仁曲江人潘存實同榜進士終洛州刺史

玉聲如樂

玉振能旋止。人言與樂并。繁聲忽已闕。雅韻詘然清。佩想停仙步。泉疑咽夜聲。曲終無異聽。響極有餘情。
特達知難擬。玲瓏豈易名。崑山如可得。一片佇爲榮。全唐詩

盧宗回

字望淵南海人元和十年進士官集賢校理

題慈恩寺塔

東來曉日上翔鸞。西轉蒼龍拂露盤。渭水冷光搖藻井。玉峯晴色墮欄干。九重宮闕參差見。百二山河表裏觀。暫輟去蓬悲不定。一凭金界望長安。夢溪筆談

鄭愚

番禺人開成二年進士咸通中觀察桂管入爲禮部侍郎黃巢平後出鎮南海終尚書左僕射

泛石岐

此日攜琴劍。飄然事遠遊。臺山初罷霧。岐海正分流。漁浦颺來笛。鴻逵翼去舟。鬢愁蒲柳早。衣怯芰荷秋。未卜虞翻宅。休登王粲樓。悠然懷伴侶。徒爾賦離憂。全唐詩載此祇臺山初罷霧四句題爲幼作番禺縣志本傳引之茲特從嶺南鼓吹

茶詩

嫩芽香且靈。吾謂草中英。夜白和烟擣。寒爐對雪烹。惟憂碧粉散。嘗見綠花生。全唐詩最是堪珍重。能令

入十補

詩人玉屑。番禺鄭僕射嘗遊湘中。宿於驛樓。夜遇女子誦詩云。紅樹醉秋色。碧溪彈夜絃。佳期不可再。風雨杳如年。頃刻不見。

湘中怨諷

青燭苦幽獨。隔江相對稀。夜寒蘆葉雨。空作一聲歸。類苑闕。○唐人萬首絕句載此下題云。鄭僕射不

醉題廣州使院

數年百姓受飢荒。太守貪殘似虎狼。今日海隅魚米賤。大須慙媿石榴黃。

擬權龍褒體贈鄆縣李令及寄朝右李令因之任官

鄆縣李長官。橫琴膝上弄。不聞有政聲。但見手子動。以上二首全唐詩諧謔二

莫宣卿字仲節。封州人。天中開。第一宮。台州別駕。

答問讀書居

書屋倚麒麟。不同牛馬路。牀頭萬卷書。溪上五龍渡。井汲冽寒泉。桂花香玉露。茅簷無外物。只見青雲護。

百官乘月早朝聽殘漏

建禮儼朝冠。重門耿夜闌。碧空蟾魄度。清禁漏聲殘。候曉車輿合。凌霜劍佩寒。星河猶皎皎。銀箭尚珊珊。

杳靄祥光起。霏微瑞氣攢。忻逢聖明代。長願接鸞鸞。

賦得水懷珠

長川含媚色。波底孕靈珠。素魄生蘋末。圓規照水隅。淪漣冰彩動。蕩漾瑞光鋪。迴夜一作星同貫。清秋一作岸不枯。江妃思在掌。海客亦忘軀。合浦當還日。恩威信已敷。

句

我本南山鳳。豈同凡鳥羣。見封川志。○以

五代

黃匪躬。連州人。登唐光啓三年進士。後仕梁。掌江西鍾傳幕。奏記。

句

志大惟憂國。恩深豈顧家。連州志。

志載匪躬幼負詩名。尤爲楚王馬殷所傾慕。會匪躬以使事至。殷大喜。盡餽其門戶。租役匪躬固辭。殷曰。老夫嘗恐不一挹清風。今幸得見之。恐不足以奉湯沐。

吳鶚。字廷俊。連州人。登唐光化三年進士。後仕于梁。

句

烟隨紅焰斷。化作白雲飛。詠野燒。○連州志。本傳。

志載鶚母浣帛於江。觸沈鯉而妊。既生。膺上有肉鱗七歲時。卽能詩。黃巢之亂。爲寇兵所得。梁主深器之。置之幕府。開平三年。改其鄉曰衣錦里。曰論忠。

張

鴻士連州桂陽人天祐二年進士隱居不仕有集十二卷

貞女石

相傳秦時有數女遊卒遇風雨一女化為石

當時非望夫亦不採靡蕪自化為貞質因茲入畫圖風恬潭鏡朗雲散石房孤寄語郴江婦初心相似無

連州志

連州志本傳張鴻天祐二年進士時唐祚式微鴻知勢不可為遂決意肥遯孟賓于水部嘗以詩投之云自憐成事攀仙桂誰似投閒向草萊蓋高之也鴻詩清純著述甚富

鄧恂美

連州人天福中與孟賓于並為李若虛薦入洛陽擢進士第周行達節度河南留置幕下後為所殺

和李昉學士

詞場幾度讓長鞭又向清朝賀九遷品秩雖然殊此日歲寒終不改當年馳名已早超三院侍直仍忻步

八磚今日相逢翻自愧閒吟對酒倍潸然

連州志

石文德

連州人仕楚為水部員外郎後出為融州刺史著有唐朝新纂三卷

句

月沈湘浦冷花謝漢宮秋

秦國夫人挽歌○連州志

周

漬連州人渭弟

重門曲

憔悴容華怯對春寂寥宮殿鎖開門此身卻羨宮中樹不失芳時雨露恩

逢鄰女

日高鄰女笑相逢。慢束羅裙半露胸。莫向秋池照綠水。參差羞殺白芙蓉。

廢宅

牢落畫堂空鎖塵。荒涼庭樹暗消春。豪家莫笑此中事。曾見此中人笑人。

胡君防

字朝宗連州人與黃匪躬鄧恂美並名
歌謠好效李長吉體著有藥川詩集

句

避世一處士。傳家三詔書。

贈魏野處士

枕榔雨醉江城夜。橄欖風吟野驛秋。

送郡太守

樓臺舊地牛羊滿。宮殿遺基禾黍平。

咸陽望

島日斜明僧寺閣。汀雲低影客船窗。

水邊

水邊閒詠處。雲島月斜明。

俱連州志本傳

孟賓于

字國儀連州人少孤力學自湖湘赴洛應舉天福九年登第還鄉爲馬氏從事後南唐爲詮
令坐繫赦歸後主起爲水部員外致仕初居吉州玉笥山自號羣玉峯叟後還連上有金龍

卷二

礪溪懷古

良哉呂尚父。深隱始歸周。釣石千年在。春風一水流。松根盤薜石。花影臥沙鷗。誰更懷韜術。追思古渡頭。

懷連上舊居

閒思連上景難齊。樹邊仙鄉路遶溪。明月夜舟漁父唱。春風平野鷓鴣啼。城邊寄信歸雲外。花下傾杯到日西。更憶海陽垂釣侶。昔年相遇草萋萋。

公子行

錦衣紅奪彩霞明。侵曉春遊向野庭。不識農夫辛苦力。驕驄踏爛麥青青。

湘江亭

獨宿大中年裏寺。樊籠得出事無心。寒山夢覺一聲磬。霜葉滿林秋正深。

題梅仙館

仙界路遙雲縹緲。古壇風冷葉蕭騷。後來豈合言淹滯。一尉昇騰通最高。

題顏氏亭宇

南唐書顏延之居木川雅擅詞翰家法謹肅所居依泉石築亭樹開軒四敞。顏氏亭宇鮮叢遠翠微環列蕭爽之趣杜絕塵囂名士賓于輩各爲詩以述其幽。

園林瀟灑聞來久。欲訪因循二十秋。今日開襟吟不盡。碧山重疊水長流。

下第詩

郡閣雅談云。賓于應舉。下于華山縣。一年乞一。玦。凡六。擲而得吉兆。後果驗。每年下第。有詩略舉於左。

蟾宮空手下。澤國更誰來。第一舉。

水國二親應探榜。龍門三月又傷春。二舉。

仙島卻回空說夢。清朝未達自嫌身。三舉。

失意從他桃李春。嵩陽經過歇行塵。雲僧不見城中事。問是今年第幾人。四舉

因逢日者教重應。忍被雲僧勸卻歸。五舉

獻主司登第

那堪雨後更聞蟬。溪隔重湖路十千。憶昔故園楊柳岸。全家送上渡頭船。主司得詩。自謂得賓于之晚。後贈詩。有今日還家莫惆悵。不同初上渡頭船用此。

句

遠樹連沙靜。閒舟入浦遲。夏曲江日

簾垂羣吏散。苔長訟庭閒。贈徐明府。並詩中旨格。

去年曾折處。今日又垂條。柳。○以下吟窗雜錄。

早知落處隨疎雨。悔得開時順暖風。落花。落花。

千家簾幕春空在。幾處樓臺月自明。落花。落花。

臘雪化爲流水去。春風吹出好山來。雪。雪。

昔日聲塵喧洛下。近年詩句滿江南。寄李。李。

匝地人家凭檻見。遠山秋色捲簾看。永州法華寺高軒。○詩話。總龜。○以上俱唐音。戊籤。

耒陽杜公祠

南遊何感恩。更甚葉繽紛。一夜未江雨。百年工部文。青山當日見。白酒至今聞。惟有爲詩者。經過時弔君。
杜集附錄

南漢

陳

拙字用拙。以字行。連州人。唐天祐元年進士。第授著作郎。後爲劉隱掌書記。攝觀察判官。有詩八卷。

浮世自無閒日月。高樓長有好山川。

登臨樓。

人說洞庭波浪險。使君自有濟川舟。

送史長沙。

黃

損字益之。連州人。梁龍德二年進士。仕南漢主劉龔幕府。授永州團練判官。累尙書左僕射。著有桂香集。

公子行

春草綠綿綿。驕驄暖煙。微風飄樂韻。半日醉花邊。打鵲拋金盞。招人舉玉鞭。田翁與蠶婦。平地看神仙。
讀史

逐鹿走紅塵。炎炎火德新。家肥生孝子。國霸有餘臣。帝道雲龍合。民心草木春。須知烟閣上。一半老儒真。
出山吟

來書初出白雲扃。乍蹠秋風馬走輕。遠近留連分岳色。別離嗚咽亂泉聲。休將巢許爭喧雜。自共伊皋論太平。昨夜細看雲色裏。進賢星座甚分明。

書壁

一別人閒歲月多。歸來人事已銷磨。惟有門前鑑池水。春風不改舊時波。

句

傍水野禽通體白。釘盤山果半初紅。

而今世上多離別。莫向相思樹下啼。鵲

機關纔運動。勝敗便相隨。

忽遇南遷客。若爲西入心。

往來三島近。活計一囊空。

三通明主詔。一片白雲心。

掃地待明月。踏花迎野僧。

水諳彭澤闊。山憶武陵深。

金鐙冷光風宛轉。錦袍紅潤雨霏微。

高齊日月方爲道。動合乾坤始是心。俱吟窗雜錄

王

南海人。乾亨初舉進士。拜中書舍人。

獨不見

日晚宜春暮。風軟上林朝。對酒近初節。開樓蕩夜謠。石橋通小澗。竹路上青霄。持底誰見許。長愁成細腰。

鍾允章

其先邕州人徙家番禺登乾亨三年進士與弟有章齊名累官尚書右丞參知政事爲宦者許彥章所誣下獄族誅

絕句

舊業分明桂水頭。人歸業盡水東流。春風日暮江頭立。不及漁人有釣舟。

詠射句

金箬離弦三尺電。星隳破的一聲雷。

林楚材

番禺人布衣

怨詩

何處期郎遊。小苑花臺閒。相憶不可見。且復乘月還。

贈黃損句

身閑不恨辭官早。詩好常甘得句遲。錦繡萬花谷前集廿一作句好當甘得味遲注云林楚闕材字

胡賓王

乳源人

讀書堂石刻句

水向石邊流出冷。風從花裏過來香。